

本

事

詩

本事詩前集目錄

卷五

田藝衡

王叔承

顧養謙

沈明臣

呂時臣

顧大典

陸弼

鄔佐卿

王伯稠

陳薦夫

林章

徐渭

劉望岑

丘齊雲

卓發之

附呼文如

馮琦

范汭

于慎行

顧斗英

錢道行

張懋儀

王山

黃奐紀

李葵

劉黃裳

顧有翼

華淑

潘之恒

徐勗

鄒迪光

姚士粦

沈珣

袁宏道

周應儀

周俊

陳鶴

程奎

朱茂院

吳璵

本事詩卷五

前集

吳江徐 鈞電發編輯

邵武徐 榦小勿校刊

田藝衡

子藝錢塘人

子執好酒任俠善爲南曲小令衣絳衣挾雙鬟遊湖上逢好友則令小鬟進酒嘗偕內子遊山日暮不得巾車覓一驢共跨入城岸然不顧

西湖題小桃王氏別業

柳外朱樓綉綵霞阿誰湖上浣春紗留人燕子初命子燕鳴

以語雛也

映面桃花恰始花

始讀作試

輕薄未應來鄴下呢喃

多是怨王家東風頻駐青驄馬無那橋西酒旆斜

觀舞絙妓示座客

太平多妙劇走索著西京舞閣初翔鳳歌場乍囀鶯彩繩  
凌漢架美女步虛行獨立停鸞穩雙飛去燕輕倒垂身若  
墮偃臥體無傾似蝶和花落如猿得樹爭卻馳人豈敢交  
度衆咸驚麗日行邊近祥雲到處迎非煙新得號迴雪舊  
知名整袂應忘倦扶鬢更有情冶容因笑發憨態爲酬生  
神雨沾衣濕仙霞映臉明渾疑天上降須向掌中擎楚客  
如相見何能憚絕纓

秋夜聽張嬌彈琴

趙瑟秦箏樂已耽阿嬌一曲解沈酣都將白雪心中事寫  
作清風指下談塞鴈不來秋七八湘簾半捲月西南知音  
爲爾渾無賴落盡庭花思正慙

美人如蓮花北鋌歌

唐有田使君美人如蓮花北鋌歌岑嘉州所云  
世人有眼應未見諸客見之驚且歎者是也偶  
觀胡旋率爾吳歛

長竿大孃昔曾觀屈柘女兒何足數鴛鴦蜀錦匝地鋪試

看蓮花北鏡舞美人顏色本蓮花倒影清溪蕩彩霞飛珮  
筵中疑雪轉擎身掌上畏風斜大垂小垂宛鴝鴦東旋西  
旋羞鸚鵡不獨歌喉似貫珠卻訝仙蹤成弄玉貫珠弄玉  
兩嬋娟繡鞵凌波步步蓮荆玉反腰殊入畫陽阿蹀足最  
堪憐羽衣乍駕丹丘鶴鷗索仍催白翎雀秋風江上采芙  
蓉曉露階前翻芍藥芍藥芙蓉本竝頭鸚鵡鰈不單遊  
公孫渾脫露生劒王母山香雪滿樓翠翹狼藉裙牙縵玄  
鬢髮鬆眼光溜上客無辭一夕歡主翁更進千年壽忽然  
入亂月明低羌筵胡笳漢馬嘶寶鼎煙消銀燭冷半醉不



醉能癡迷吾家使君有此樂詩人未見徒驚愕三千珠履  
不如卿對卿但惜蓮花落西王母宴羣仙舞山香一曲未  
終百花盡落蓮花落者元樂府

席中逢故顧閣老家侍兒

幾年流落在錢塘半面琵琶淚兩行妝閣不聞鸚鵡喚舞  
裙猶帶鷓鴣香翠屏珠戶生前隔柳葉桃根恨最長我亦  
近來飄泊甚醉中爲爾一沾裳

柳毅井

堯山堂外紀曰具區東山有井深邃世呼爲柳  
毅井卽唐所傳洞庭君歸柳毅事嘉靖中田子

叔同友人遊洞庭見此井酒酣吟一絕句時林  
月漸明隱隱見一美人若隔煙霧遙和云橘花  
如雪晚風清迢遞關山春夢驚明月一天涼似  
水不堪重省舊時情吟罷忽不見明日掘地得  
一石碑題曰龍  
井因建祠其上

橘花垂蔭碧闌干此地曾經柳毅傳卿亦有書吾肯寄汲

深千尺轆轤懸

一作轆轤腸  
斷碧絲煙

王叔承

承父崑崙  
吳江人

承父入燕縱觀西苑南內之勝作漢宮數十曲流傳  
禁中共辛章云梨園歌斷萬花天風雨寒鈴憶舊筵  
怪得人間傳秘曲江南春老李龜年  
晚遊洞庭時時命吳姬倚酒歌之

鐵笛歌

有序

陳生楫家本武昌始祖以開國功官海上祖有  
鐵笛名鐵龍失之且二百年矣有客自海上持  
來解裝贖之制古聲冽因沽酒弄梅花調余歌  
焉

武昌老笛名鐵龍洪武之間來浙東江湖萬里忽相失當  
時哭死陳家翁流落人閒二百秋蒼龍化去青天愁子孫  
累世覓宗器漢家寶劒周天球或言構李豪家得夜夜龍  
光射南極十年空費陳生心購問慙無萬金直一朝海客  
持相換生脫貂裘婦釵釧合浦重歸明珠精魂似識先

人面太古琅玕輕欲折孔竅參差頭尾裂丹砂錯落水銀  
花苔痕蝕盡并州鐵薄如藤紙枯如木燈前三弄秋聲蹙  
萬點梅花灑席寒夜半空山扣哀玉羗兒虎踞鳴塞鴻怪  
蛟人立吹煙竹憶昔汝祖浮洞庭瀟湘片月開黃陵純陽  
真人坐黃鶴漢江綠酒傾瑤瓶飄然將笛下東海鐵龍聲  
斷江風腥汝今與笛竟何適楚水吳山愁客星汝祖從戰  
鄱陽潰佩刀曾佐高皇勳歎汝飄零把孤笛丹青竟作曹  
將軍半生我亦懷青蘋袖來不用生龍鱗不如黃鶴樓前  
換酒聽吹笛與君醉殺湘江春

有調

相思迴夢入青屏  
隔夜紅綃月  
色微巫峽行雲含雨出  
章臺折柳帶春歸  
繫開鏡裏新沾黛  
笑拂牀頭舊舞衣  
怪得鶯鶯憔悴死  
鴛鴦花下又雙飛

茗川席上戲贈晉陵朱說書

君不見蘇秦無賴子  
開口風濤吞萬里  
只爲家無二頃田  
播亂乾坤鬪羣蟻  
張儀大笑世亦傾  
妻子休愁舌未死  
朱生有口亦不塵  
千年舊事翻爲新  
掀唇擊掌變態盡  
能令人喜能令鬻  
劉項興亡在頃刻  
喚來野鬼皆生人  
棚頭傀儡

偏影中戲英雄一往誰復真君不見羅生水滸傳史才別  
逞文輝爛草莽雄心不自成指點罡星灑江漢馬遷巨明  
走筆端神機顛倒莊周幻滑稽玩世天所嗔語落蘆花秋  
夢斷太史弄奇左傳浮達人往往疑春秋土中髑髏難自  
辨霜寒草白蟲啾啾男兒有眼不如瞽無端信書被書苦  
秦火微茫隔荒楚稗官國史爭頡頏回首黃梁猶在釜澆  
囚舜篡然不然齊東野人歷歷數玉帝閻羅老無力白日  
人閒縱妖蠱撫劔四顧餘不平且把葡萄聽水滸

顧養謙

益卿南  
通州人

蘇州歌

闔廬城外木蘭舟，朝泛橫塘莫虎丘。  
三萬六千容易過，人生只合住蘇州。

沈明臣

嘉興縣人

寄題長干美人趙昭陽之作

輕盈掌上豔陽新，再覩昭陽殿裏人。  
誰說六朝金粉盡，一身當得秣陵春。

呂時臣

中父鄞縣人

李太常伯華江上草堂雪夜出妓彈琵琶

北風吹雪晝易昏樹深竹密江上村紅燈照席不知夜忽  
有遠客驚叩門繫馬登堂不問姓不顧傍人卽坐定坐中  
舉目皆英豪主人呼出鄭櫻桃紅絲裊地毵毵煖簾額粉  
香落鳳毛大小忽雷手中出須臾翻作鬱輪袍娟臉斜凝  
新病眼一曲低徊黃金槽衆客聞之各掩淚潯陽此夜我  
先醉天涯海角同此心古人意氣輕黃金瞥然上馬出門  
去酒酣寒極天將曙

顧大典

道行吳江人

衡字家居擅園池亭館之勝揮毫染翰風華  
流映撰詩衫葛衣諸劇梨園子弟多歌之



沈少卿席上有贈

曾向毘陵怨別離十年重見不勝悲相看共有江州淚濕  
盡青衫是此時

陸

弼無從江  
都人

觀薛素素挾彈歌

蒙叟曰素素吳人能畫蘭竹作小詩善走馬挾  
彈置彈于小婢額上彈去而婢不知少遊燕市  
與五陵年少並轡出郊觀者如堵爲李征蠻所  
嬖其畫像傳入蠻峒酉陽彭宣慰深慕好之吳  
人馮生自詭能致素素費金錢無算久之語不  
膺宣慰怒羈留峒中十餘年乃遣中年長齋繼  
佛故無從又有贈素素詩云纓絕鈿遺漏欲分  
留髡送客意何勤酒闌明月生瑤樹坐久流螢

點繡裙子夜歌來猶是夏巫山夢去總爲雲羞  
將錦字傳哀怨清磬長依貝葉文晚歸吳下富  
家翁爲房老以死又閩人鄭琬有寄薛素素詩  
曰野草城邊油壁車海棠開盡燕飛初愁深司  
馬舟中淚夢逐蕭娘錦上書二水雲陰桃葉渡  
四橋春暗浣花居傷心南陌垂陽月夜夜香塵  
滿客裾猶可想  
見薛五風流也

酒酣請爲挾彈戲結束單衫聊一試微纏紅袖袒半鞞側  
度雲鬢引雙臂侍兒拈丸著髮端迴身中之丸竝擊言遲  
更疾卻應手欲發未停偏有致

鄔佐卿

汝翼丹徒人

汝翼故貴公子富于才情好遊狹邪有豔詩十卷題  
曰纏頭集如笛中舊恨留金谷天上新愁問玉卮江

西津別妓  
薄一感君寄吳箋箋上雙飛鵲但效鵲雙飛不效吳箋詩  
子樓前曉日遲叢篁晴色歲寒知庭留積雪看教舞  
榼附青山入畫眉鼓瑟調從翻玉樹當杯人似  
宴瑤池雲鬢設對綸巾白無奈風塵兩鬢絲

西津別妓

立馬江臯問落潮片帆西上路迢迢人將碧草新晴去魂  
對青山暮雨銷雲色自依桃葉渡月明淒斷鳳凰簫樓頭  
濁酒春堪醉還訪秦淮舊板橋

王伯稠

世周崑山人

贈歌者

盡說青樓碧玉家  
舞風歌月鬪鉛華  
自從誤識櫻桃後  
懶看閨門路畔花

聽沈二彈北曲

燕歌撩亂夜絃鳴  
訴盡青樓恨別情  
四十年前明月夜  
夢迴曾聽斷腸聲

陳薦夫

幼孺閩縣人

破鏡行

徐興公榕陰新檢曰莆田陳子卿隨父宦京邸有鄰女見而悅焉既而歸閩女剖妝鏡半規爲贈且與子卿約如樂昌故事未幾子卿鄉薦再入都門則女已移家他徙踪跡永絕不復合焉嘗持破鏡嗚咽不已幼穉聞其事爲作破鏡行云

樂昌寶鏡青銅面閃爍光圓才一片憶從生小遇君時君情搖蕩妾憨癡時時竝臂迫肩立持照青閨雙黛眉銀箏風斷瓶入井金縷雙鸞不交頸空持一半表相思南北分形更分影妾身不及青蚨血但使菱花空瓦裂何因繡閣匣中銅得似延津波下鐵

林章

初文福  
清人

初文爲乳山老人林茂之之父七歲能詩十三上書督府求自試萬歷元年舉于鄉累上春官不第僑寓金陵發憤亢直先後下吏其夫人王氏名姪字美君亦能詩關白之亂初文請出海上用奇勦賊美君寄以詩云海寇無端欲弄兵滿庭文武策誰成兒夫自  
有終軍志未必中朝許請纓語多慨激亦女俠也

姊妹行

與姊別時啼頭比姊肩低幾年不見姊眉與姊夫齊春蘭  
秋菊各芳澤花早花遲總堪惜生憎一對似花人惱殺十  
年花下客花時能幾何客恨不勝多翻作相思樹纏絲復  
繞羅鴛鴦宿海底好夢落風波空有素衫淚雙彈向翠蛾  
寂寂楊花塢迢迢桃葉渡長江南北頭總是相思路新人

本非新故人應是故只道相憐親上親那識相思苦中苦  
憶故如望月望圓復愁缺憐新若轉絃一轉一纏綿纏綿  
復纏綿見妹如姊面年年春風時那作雙飛燕姊應上山  
采藤蕪妹莫尊前唱鷓鴣昨日書來無別話爲儂珍重大  
姨夫

憶仲姬

逢時把酒對紅顏親爲拈花插翠鬟今日登高人萬里教  
伊獨上望夫山

代妓送別

春情又爲別離牽舊恨新愁總自憐莫問歸期何日是安  
排腸斷綠窗前

爲文西寄情

教成歌舞也風流曾學西家得似不今日眉顰非是病爲  
郎鎖下一春愁

崔季鶯

怕教雪落歌應懶愁作雲飛舞不輕偷向東風啼柳畔一  
行花雨一聲鶯

徐

渭

文長山  
陰人



文長負才兀冪爲時人所著  
四聲猿雜劇與湯臨川竝傳

觀金陵妓人走解

解名童子  
拜觀音

人似明珠馬似盤超騰隱現不離鞍各彎鐙底羅鞋窄都  
在空中翠袖寒合掌幾回投地去同心雙蝶隔花攢莫嫌  
歲歲頻來往家住金陵自不難

### 明月宮女入道

昭陽隊裏混鉛華垂老參師日半斜不向秋風怨團扇卻  
教明月進琵琶朝留楚簟身爲雨夜繡茅君線作霞見說  
緱山閒姊妹尙論恩寵舊誰家

劉望岑

鳳陽人

贈朱素娥

素娥名斗兒曲中名妓也善畫山水陳魯南授以筆法與魯兩聯句有芙蓉明玉沼楊柳暗銀堤之句爲時所稱鳳陽劉望岑訪之不出投以是詩懽然相見斗兒有送人詩云揚子江邊送玉郎柳絲牽挽柳條長柳絲挽得行人住多向江頭種兩行

曾是瓊樓第一仙  
舊陪鶴駕禮諸天  
碧雲縹緲剛風惡  
吹落紅塵四十年

丘齊雲

謙之  
楚人

呼文如館中賦別

呼文如萬歷間江夏營妓也能詩善琴與謙之  
定情將攜以束謙之父不許文如刺血寄丘詩  
曰長門當日歎浮沈一賦翻令帝寵深豈是黃  
金能買客相如曾見白頭吟後謙之赴京道過  
武昌相見甚喜飲庭中安石榴下復賦一絕呈  
謙之云安石孤根託謝庭合歡枝上日青青懸  
知雨露深如許結子明朝似小星相與滄沱而  
別有一時雙淚墮金卮之句丘久之還里文如  
數詣書訂于歸之約丘父母力扼之不果一日  
雪甚丘方倚樓念文如忽一小艇飛棹渡江直  
抵樓下推篷而起則文如也相見驚喜因言鵝  
利賈人金將賣妾急買舟潛發稍遲一日夜則  
落賈人手抱持慟哭乃委禽成禮焉謙之有  
遙集編都與文如往來贈答者其自序如此

回思往事怨蹉跎復有新愁奈若何清夢不緣神女苦小

詞難得雪兒歌隔窗雨逐流蘇墮落葉飛隨翠簾多若問

此時留別意雙星七夕在銀河

附 呼文如送別巨生後還樓感賦

莫問天台落日愁桃花片片水悠悠寒窗一閉秦簫月  
惹得人呼燕子樓

文如有兒羅袍四時詞云早是燈兒時節見燕兒做  
疊對對欹斜榆錢兒買不得春風夜楊花兒故意飛  
殘雪門兒重掩燈兒半滅人兒不見病兒怎說腰兒  
掩過裙兒摺早是鶯兒時候見蓮花兒出水瓣兒  
風流心兒愁火兒畏紅榴鼻兒酸涕過梅豆門兒重掩  
簾兒半鈎人兒不見病兒怎廖扇兒摺疊肩兒皺  
早是雁兒天氣見露珠兒奪暑點點仗衣針兒七夕  
把腸刺碯兒萬戶敲肝碎門兒重掩帳兒半垂人兒  
不見病兒怎支書兒難寫心兒事早是雪兒飄粉  
見梅兒滿灑蕊蕊爭春夢兒凍死也離魂氣兒呵殺

全無影門兒重掩被兒半薰人兒  
不見病兒怎禁屏兒靠熱牀兒冷

按與文如同時有詩妓齊景雲者與士人傅春定情  
春坐事繫獄景雲爲脫簪珥以供橐籥春謫遠戍景  
雲欲從行不得賦別云一呷春醪萬里情斷腸芳草  
斷腸鶯願將雙淚啼爲雨明日留君不出城春去雲  
竟以想念沒又有劉盼春者汴梁樂工女年十八與  
汴人周恭定情恭父嚴禁之不令通盼春杜門謝客  
有雲閒富商齋金帛往母欲奪其志不從痛加箠楚  
恭知之致書使從母命綴一小詞云阻佳期盼佳期  
欲寄鸞箋雁字稀新詞和淚題怕分離又分離無限  
相思訴與誰此情風月知盼得詞投纒死及火其尸  
獨所佩香囊鮮好中卽藏周所寄長相思詞也衆皆  
驚異周藩誠齋爲傳奇曰香囊記二事見梅禹金青  
泥蓮花志中誰謂  
青樓都薄倖也

卓發之

左車蓮句仁和  
人有漉籬集

秦淮竹枝乙丑五月集范姬文鏡閣賦此詞

楚歌湘曲未須哀遙見燈船趁月開長笛叫雲簫咽水百  
千神女弄珠來

贈玉勾姬人

忽見寒峰辭翠黛欲留楓樹當紅顏但看肌骨如飄葉便  
覺胸懷似遠山況是瓊枝舒上界卻教花影落人間從茲  
露壓雲橫處認作煙姿與霧鬢

附張一如和詩云名花在昔憶誰攀忽有濃香發玉  
顏雙影夜生羅帳月一枝晚出繡屏山空聞秋思來  
何處猶覺春風駐此間度與江南後庭曲逐聲應也自低鬢

馮

琦用韞北海  
臨胸人

婉兒怨戲東敬承

昨日開金屋君恩別處新  
難將織錦意去比浣紗人  
只自憐中婦誰當念下陳  
嫁郎何太早不敢怨前薪

今夕是何夕雙星已渡河  
人間愁織素天上恨停梭  
春色簾櫳隔秋風枕席多  
恐君疑妾妬未敢問修蛾

見說新人好君心豈舊懽  
離愁隨月滿信誓近秋寒  
縑素寧堪問若華半已殘  
妝成郎未起寂寞鏡中看

故劍誰相問前魚祗自悲  
轉因辭寵日私憶合歡時  
隔牖

本事詩前集

卷五

古邵武徐氏刊

歌桃葉因風泣柳枝啼痕還自掩羞遣侍兒知

不寐驚秋早無言坐夜分已拚成棄妾未忍便忘君形影  
窗前月悲歡夢裏雲如能念疇昔看取舊湘裙

范

炳

東生烏  
程人

洗妝樓歌

結樓黃山曲不礙黃山雲山雲吹作雨漠漠復紛紛紛紛  
漠漠春何有洗去梨花隔垂柳花開花落郎未歸樓上美  
人相憶否

于慎行

無垢東  
阿人



題忠順夫人畫像

天山獵罷雪漫漫繡袂斜偎七寶鞍半醉屠蘇雙頰冷桃  
花一片帶春寒

按忠順夫人卽世所傳三娘子也馮北海亦有題三  
娘子畫像云矚瑜春暖鎮芙蓉爭羨胡姬拜漢封繞  
膝錦襪珠勒馬當胸寶袂繡盤龍塞北佳人亦自饒  
自題胡舞爲誰嬌青霜已盡邊城草一片梨花冷不  
銷紅妝一隊陰山下亂點駝酥醉朔野  
塞外爭傳娘子軍邊頭不牧烏孫馬

顧斗英

仲韓上海人

秦淮小姬

一片春山乍學描纏頭初試紫霞綃章臺無數青青柳最

惹東風是嫩條

錢道行

叔達湖州人

贈姬人李五

秣馬章臺下微波驟目成  
寫芳蘭葉細流韻竹枝清  
百折心仍俠千杯態始生  
情緣久不作茲復解憐卿

張懋儀

贈張增波

增波名文雲間姬神情湛若秋水故又以秋水呼之

湖邊三月花如雨樓外雙飛鶴  
似雲張緒風流隄上柳與君  
那得不平分

王

山

魏人

弔吳盈盈

絃絕秦箏鏡任塵細腰休舞鳳凰茵一枝濃豔埋香土萬  
顆珍珠滴繡巾行雨不歸魂夢斷落花難伴綺羅春漢皇  
甲帳當年意縱有芳魂不似真

按盈盈色藝雙絕與王相遇成契未幾夢紅裳美人  
持一紙告曰玉女召汝掌奏牘覺而告母曰兒不久  
居人世矣後日訪我于東山言已竟卒王復過之弔  
以詩云云後王游岱岳至絕頂玉女池頭感盈盈之  
夢又賦二絕句歸至旅次忽夢游日觀峰見石上題  
詩筆蹟似盈盈詩云絳闕琳宮鎖亂霞長生未晚棄  
繁華斷無方朔人間信遠阻麻姑洞裏家歷劫遙翻  
滄海水濃春難謝碧桃花紫臺樹隱瑤池瀾鳳嬾龍

嬌日又斜是夕  
恍惚有所遇云

黃奐紀

玄龍

贈別崔重文

旅舍村醪未忍傾  
愁聲相伴砌蛩聲  
不知翠閣清歌處  
可有人來夜喚名

按崔重文小字媚兒豔之者目曰媯然室中有幻影閣駒隙所容凡庭柳扶疎歸禽頡頏呈態壁間不遺毫末重文有別黃玄龍詩八首云昨夜羅幃始覺霜馬嘶寒影候巖裝曉燈欲暗將離室不道離情畏曙光九月江南似小春偷春花鳥殢歸人妝樓直對長干道愁見行車起暮塵楓葉鴉翻秋水明長橋衰柳古今情尋常歌板銀罌地從此傷離不忍行華裾賦別酒初釀水調吳歌夜入雲此曲由來能解恨一時

淒切半緣君君心未去妾心行相顧無聲覺淚聲別  
後何人照憔悴空餘明鏡解含情莫輕春夢薄殘綠  
軟語關心十五年覆水落花難再合匣琴從此怯危  
絃留君且住慰淒其少住懼悚轉益悲欲絕不知因  
底事將無真作有情癡亦道三秋只暫時肯驚魂  
絕已難支章臺三月春風裏莫寄空函付柳絲

李

菱

于田內鄉人

于田左官家居好縱倡樂有所狎女優往來反離閒  
于田微服過從與羣優雜處女優登場持鼓板爲按  
拍久之羣優相與目笑漏言于上人翁主人翁知爲  
李翰林具衣冠肆筵席再拜延請于田欣然就坐歡  
飲竟日借主人厩馬  
與女優連騎而去

戲題示優人

一自封書別建章荷衣嘗惹蕊珠香逢人白眼唱歌去笑

入西坡秋水長

劉黃裳

立子光  
州人

擣菹歌

余友季襲美豪蓋一世其姬多慧智襲美授以  
諸佛妙經蓋箭鋒機也襲美令宛平政暇卽與  
擣菹亦遊戲三昧者乎因作是歌

龍女誦經香飯畢長安放衙初岸幘桃笙幔展燕寢春試  
下紅衫輕一擲綠雲點點玳梁閒海燕翩翩對遠山仙人  
好博雷翻掌玉女投壺電解顏擲揄笑口如飛雪黃鸝二

月爭調舌別有呼盧調轉高一聲鳳叫青天裂風搖花片  
滿雕窗鬱金醺酒泛琉璃雲母屏前憐個個水精簾下愛  
雙雙一枝醲李倚銀盤纖纖新筍擊琅玕已解疾馳誇女  
俠故將遲局媚郎官醉後雙鸞挂海野櫻唇唾出胭脂馬  
偷得籌來竊玉符奪將梟去驚銅瓦折腰塵淨館娃前畫  
眉人在章臺下擣罷么麼性轉靈不彈寶瑟向君聽仙郎  
帶酒朝天去還諷如來般若經

願有翼

佐明吳江人

春日同潘水公飲沙來青較書齋中來青卽席有

作倚韻留別

春日風光引興長，朝來重到莫愁堂。  
柳當綺閣偏多態，花對名姝不惜香。  
錦瑟聲中情冉冉，綵箋句裏恨茫茫。  
何須別後方追憶，只是尊前已斷腸。

華

淑

聞修無錫人

堤月聽蘇姬樓上理曲

晚妝燈火照樓新，重奏妍詞唱未勻。  
遮莫簾空扉已合，隔牆猶有聽歌人。

潘之恒

景升歙縣人



景升僑寓金陵留連曲中與名妓朱泰玉鄭無美遊  
徵歌度曲泰玉無美卽冒伯鷹所集與馬湘蘭趙今  
燕爲秦淮四美人者也景升西陵逢楊五詩云擊楫  
似邀桃葉渡看花空憶莫愁湖知其狎遊都在臺城  
煙水中矣

聽楊生唱崑腔曲

板橋南岸柳如絲柳下誰家楊叛兒白苧尙能調魏譜

良輔

紅牙原是按梁詞伯龍雨添山翠通城染潮沒堤痕去路疑

年少近來無此曲舊遊零落使人悲

蒙叟曰崑有魏良輔者造曲律世所謂崑腔者自良  
輔始而梁伯龍獨行其傳著浣紗傳奇梨園子弟喜  
歌之按梁名辰魚亦崑山人景升有白下逢梁伯龍  
感舊云一別長干已十年填詞贏得萬人傳歌梁舊

燕雙棲處不是  
烏衣亦可憐

武昌行爲程仲權賦贈張卿

張卿名曉曉

武昌垂柳百千行  
九月西風半夜霜  
坐覺危樓鴛瓦裂  
起看殘月鏡波涼  
和歌者誰歌折柳  
歸客傷心對尊酒  
蒹葭白露空江寒  
三十春風亦何有  
長歌聯臂踏銅鞮  
鼓瑟湘靈處處迷  
月滿秦淮通楚夢  
片雲猶落小樓西

變江別羅采南

采南名芳  
澗金陵妓

城邊垂柳拂高樓  
塘上蒲生半沒舟  
雨過盧家偏好景  
洗開新月曲如鉤

屈指青樓第幾家  
平鋪秋水帶蒹葭  
江南有夢隨君去  
月色寒飄桂子花

徐

焞

興公副  
縣人

玉主行

按福清林丙卿倜儻好遊俠邪燕姬劉鳳臺者  
有聲教坊一見林歡甚託以終身林納爲妾久  
之去遊吳越間閩姬死疾馳至燕日夜哀慟刻  
玉爲主賦長短句鐫玉上云入時倒郎懷出時  
對郎面隨郎南北復西東芳草天涯堪遠徧勝  
寫丹青圖勝裝水月殿玉魄與香魂都在此一  
片未幾林遊粵西爲舟人陳亞三所殺沈屍于  
江蒼梧司理者丙卿友也夜半忽見婦人稱冤  
狀因呼邏卒嚴捕之搜亞三囊得玉主司理大  
驚索餘黨伏辜求其屍顏面如生徐爲作玉主

云行

燕山幻出蛾眉質翠羽鳴璫金屈膝就中百萬倚門倡若  
箇輕盈稱第一傾城少女長劉家十五妖嬈未破瓜到處  
名姬羞粉黛一時佳冶避鉛華櫻唇半啟飄金縷百轉嬌  
喉鶯乍乳閒拂朱絃奏鳳凰時拋紅豆調鸚鵡對客閒參  
湖上禪桃花重製蜀中箋芙蓉學繡相思枕榆莢羞看買  
笑錢五陵俠客紛無數爭進千金求一顧妾貌雖同解語  
花妾心已作沾泥絮風流闔海說林郎年少曾登遊冶場  
萬金盡買纏頭錦贏得聲名遍教坊明珠欲換娉婷女金

谷園中貯歌舞滿眼無人荷目成劉姬一見心相許結束  
歡然出狹邪九枝銀燭七香車鴛鴦忽比雙飛翼菡萏俄  
開竝蒂花珊瑚寶玦流蘇帳蜀錦紫絲綵步障占斷春風  
歲復年秦箏趙瑟搗還響可憐行樂在須臾夫婿長遊入  
五湖膏沐嬾施雲髻亂空牀獨守夜燈孤春花秋月無情  
去誤妾佳期等閒度婉意柔情孰與伸千愁萬恨憑誰訴  
明河耿耿路迢迢望絕音書嘆寂寥經頰每于愁處損朱  
顏多向暗中凋思君不見令人老柳葉雙眉畫慵掃香魂  
渺渺落黃泉玉骨纍纍瘞芳草人傳消息五湖西夫婿傷

情掩面啼碧沼游魚乖比目雕梁飛燕失雙棲哀絃聲斷  
絲難續死別生離成一哭沈思無計表深情舊得連城舊  
時玉磨礮朗潤復輝光賦就悲哀句短長中間自鏤芳卿  
字未下金刀先斷腸錦囊裝貯殷勤記鎮日重重牢繫竹  
東西南北但隨身旦夕何曾暫相棄攜向蒼梧萬里遊逢  
人開取淚先流鷓鴣叫月悲長夜蛤蚧鳴風感素秋江頭  
忽遇探丸客化作杜鵑歸不得黃昏野魅泣精靈暮雨遊  
燐啼怨魄玉主漂零何處歸芳魂長繞越江飛夜臺飲恨  
重相見朽骨含冤事已非蒼梧司理眠官閣忽覩仙姬來

綽約含怨含顰若有詞半羞半怯如相託索索陰風毛骨  
寒分明環珮響珊珊漸聽嗚咽聲初遠起祝明河漏欲殘  
心知非幻仍非夢定有幽魂抱深痛綵線縫裾獲赭衣驟  
看玉主神驚動由來此物屬林郎刻玉題詩爲悼亡珍藏  
久識知懷袖流落何因在異鄉傷心細向公庭鞠舊鬼哀  
呼新鬼哭始覺孤身入虎牙更悲俠骨填魚腹詎信蛟龍  
不忍吞隨波逐汎幾朝昏千秋重閱曹盱事九辨難招屈  
子魂吁嗟此事何奇絕名姓從茲播西粵眞迴白日照重  
泉果有嚴霜飛六月片玉堪將恩遇酬死生肝膽在紅樓

方知白璧能伸恨不獨青萍解報讐

鄒迪光

彥吉無錫人

行經舊院

曲房深院草萋萋不見嬌鶯樹樹啼惟有秦淮舊時月夜深相送板橋西

沈淵淵置妾金陵爲作花燭詞

蘭缸四照月痕新繡帳牙牀疊錦褥不羨鄰家金作屋請看夫婿玉爲人

姚士燾

叔祥海鹽人



周綺生移居

按綺生名文嘉興人隸藉曲中口多微詞舉止  
言論儼如士人值譙集分韻有用習家池者綺  
生笑曰無乃太遠乎舉座拂衣起嘗有詩云掃  
眉才子多相忌未敢人前說較書蓋自傷也後  
以屬身非偶敝衣毀容重自摧廢晨夕炷香佛  
前祈死時作小詞寓意無何悒鬱以死檢其笥  
中有句云侍兒不解春愁報道杏花  
零落知者傷之虞山蒙叟傳其事

籬落借春城盤紆覓路生瓶花攜舊蝶鄰樹換新鶯粉院  
宜妝好虛窗叶句清尋常門外草一倍攬人情

薛潤孃七夕生日

生逢烏鵲渡河秋乞巧今番兔上樓莫訝眼前多俗物天

孫亦祗嫁牽牛

沈

珣

幼玉吳江人

周綺生卜居江上賦贈二絕

十里虹橋柳萬株  
白蘋紅葉滿清渠  
從今管領秋江色  
總屬風流女較書

鴉黃初褪晚妝慵  
獨上朱樓盼遠鴻  
無賴秋光偏欲暮  
惱人花外鯉魚風

袁宏道

中郎公安人

傷周生

按吳人呼妓爲生

溪頭曾見浣春紗珠箔于今天一涯紫陌重遊千寶騎青  
樓無復七香車美人南國空湘水處子東鄰是宋家記得  
西廊香閣裏餅花長插一枝斜

小婦別詩

弱柳輕帆快送人巫山原是女兒神願隨潑火清明雨洗  
卻錢塘十里塵

周應儀

元度吳江人  
有南北游草

聞歌

桃花扇底落紛紛宛轉清歌一曲聞醉殺文園渴司馬酒

壚斜盼卓文君

周

俊

伯英江陰賈  
客有南岑集

蕪城對酒寄懷張淡雲校書

樓上春雲黯夕陰折花載酒偕同心芙蓉繡幄隱紅燭美人一笑輕千金南浦別離情脈脈柳花繚亂風無力愁來獨上廣陵城江水微茫天一色

贈張淡雲

星河淡淡夜迢迢深院涼生動絳綃傳得揚州新樂府倩誰人竝坐吹簫

陳鶴

鳴野海樵  
山陰人

海樵工吳韻越曲權歌菱唱無不盡態極妍與教坊  
歌妓趙燕如善時綴小詞唱諸曲中作桃花美人行  
世目爲青樓渠帥云

桃花美人行

鸞幃鴛閣戀無因  
珠鏡牙牀久自塵  
相逢柳絮心還亂  
相見桃花意轉新  
聊作逍遙步獨立  
可憐春春日春花復可  
憐  
春心飄蕩詎能前  
自知顏色非春色  
自惜今年異昔年  
眉凋難學柳步弱  
不成蓮臂褪珊瑚  
釧鬢謝鳳凰  
鈿行隨雙蝶  
偏羞寡坐同孤月  
卻憎圓羞寡憎圓  
兩意深桃花桃

葉一時新但識花心非妾性不將折取寄離人

程

奎

徽州人貢士

竹垞詩話崇禎癸未湖廣巡撫宋一鶴敗家屬沒官妾金陵陳氏以色藝聞門客王屋聘焉謝參政上選先期娶之奎因作詩嘲笑一時爭傳誦云云

卽事

歌舞叢中度歲華一朝忽去抱琵琶前身定是烏衣燕不入王家入謝家

朱茂皖

芾園嘉興縣學生有願頌集

聽震澤周蘭皋清曲

落花時已過，今夕得逢君。不羨滄年曲，岐王宅裏聞。

吳

璵于庭休  
靈人

答閩人徐簡簡寄懷

東風妝閣厭檐牙，春鎖重扉樹樹花。自是王孫歸未得，漫隨芳草到天涯。

按簡簡字文漪嘉興人璵小妻也其寄懷詩云夾岸垂楊捲落花春風咫尺是天涯重門深鎖樓中燕獨有王孫不在家

本事詩前集卷五終

本事詩前集卷五

自邵武徐氏刊

本事詩前集目錄

卷六

湯顯祖

馮夢禎

唐時升

程嘉燧

吳兆

吳夢陽

曹學佺

柳應芳

吳鼎芳

梅鼎祚

俞安期

林景清

王驥德

附楊玉香



葉紹袁

王彥泓

附葉小鸞

潘一桂

王留

林子真

姚澣

附張璧娘

夏縉

陸圻

董說

劉侗

陳洪綬

高承埏

朱茂曙

鄺露

徐石麒

黎遂球

周立勳

劉孔和

顧超

屠生

小水人

無名氏

本事詩卷六

前集

吳江徐 欽電發編輯

邵武徐 榦小勿校刊

湯顯祖

若士義仍  
臨川人

義仍詞曲小令攬絕一世所撰牡丹亭記與西廂並傳嘗醉後自題云玉茗堂開春翠屏新詞傳唱牡丹亭傷心拍遍無人會自拈檀痕教小伶興致可想見也

遙和諸郎夜過桃葉渡

湯自注云  
有本事

諸公紛紛去何所隔岸熒熒高燭舉若非去挾秦家姝定是將偷叩市女一從西蜀老王孫千騎東方總不論也乏

使君呼共載也無遊女解宵奔無緣此屬翩連去飄飄  
熈知何處翠納香奩夜著人絳蠟清笙幾回曙當時我亦  
俊人羣情如秋水氣如雲有酒誰家惜酣暢饒花是處怯  
離分如今兩鬢籠紗帽輕煙澹粉何曾到眼看諸公淹夜  
遊心知此事從誰道衙齋獨宿清漢斜燈影籠窗半落花  
拚不風流長睡去卻持殘夢到他家

黎女歌

黎女豪家筭有歲如期置酒屬親至自持針筆向肌理刺  
涅分明極微細側點蟲蛾摺花卉淡粟青紋透餘地便坐

紡織黎錦單拆襪吳人綵絲織珠崖嫁娶須八月黎人春  
作踏歌戲女兒競戴小花笠簪兩銀篦加雉翠半錦短衫  
花襖裙白足女奴絳包髻少年男子竹弓弦花幔纏頭束  
腰際簾帽斜珠雙耳環纈錦垂裙赤文臂文臂郎君繡面  
女竝上鞦韆兩搖曳分頭攜手簇遨遊殷山沓地蠻聲氣  
歌中答意自心知但許昏家箭爲誓椎牛擊鼓會金釵爲  
歡那復知年歲

柳絲樓感事

殘日西樓映粉紅畫眉吹蹙柳條風重來攀折人何處腸

斷千絲一笛中

一年春事賞心同千里湘臯曲未終別恨乍隨帆影去柳

條眉暈半絲風

馮夢禎

開之秀  
水人

憶姬人

客遊數改期不爲桃花堤灘衾淹晝雨夢駕怯春泥芳草  
遠猶綠柔條近更迷妾心靈自苦愁殺亂鶯啼

唐時升

叔達嘉  
定人

觀妓戲作

庭院陰濃起暮煙畫屏銀燭照嬋娟壺觴錯落醺良夜履  
烏交加任少年自詫獨經投果後相逢同在破瓜前園林  
春晚增顏色只爲新花一樹鮮

程嘉燧

孟陽松圓詩  
老休寧人

孟陽諳曉音律分判合度老師歌叟一曲動人燈殘  
月落必傳其點拍而後已今錄其對酒聽歌之作覺  
松圓詩老  
情致宛然

曲中聽黃問琴歌

夜掃歌樓集鈿車白頭占曲點紅牙梁閒三日餘音在偷  
得新腔遍狹邪

本事言  
三  
曾憐古調背同時廿載心期老曲師爲是唱情聽不得鬢  
邊先著幾莖絲

歌郎酒客盡知名畫燭紅妝作隊迎簷竹蕭蕭香閣裏花  
叢十月坐流鶯

輕染鴉黃拂髻鬢鶯雛巧笑鬪雙彎不知水調聲能苦蹙  
損橫波一寸山

水上倡樓

水樹風帆隱伎樓微明遠岸濁河流也知一望堪腸斷暮  
雨無人在上頭

楊升菴云白樂天詩吳娘暮雨蕭蕭曲白  
別江南久不聞自注吳娘歌詞有暮雨蕭



瀟郎不歸之句吳  
蓋杭州名妓也

雨中過伎家飲書贈陳翠

紅樓細雨燕飛斜  
玉面珠簾相映遮  
三月江南春色盡  
卻行江北見梅花

緬雲詩

朱長孺曰孟陽此  
詩爲河東君作

綵雲一散寂無聲  
此際何人太瘦生  
香縱返魂應斷續  
花曾解語欠分明  
白團畫識春風在  
紅燭歌殘夕淚爭  
從此朝朝仍暮暮  
可能空逐夢中行

朝簷天外鵲來聲  
夜燭花前太喜生  
焚尾宴收燈放節  
掃

眉人到月添明香塵瀆洞歌梅合釵影差池宿燕爭等待  
揭天絲管沸綵雲經定不教行

夜半空堦細雨聲曉寒池面綠萍生悠悠春思長如夢耿  
耿閒愁欲到明三月天涯芳草歇一番風信落花爭茫茫  
麥秀西郊道不見香車陌上行

聽曲贈趙五老

太倉人名准字長源善醫能詩

菊花閣裏殷勤唱

王問伯家

芍藥園中仔細聞

相公南園

此後但逢

歌曲伴何曾聽能不言君

紛紛酒事少心情只辦停盃鬪耳明翻恨聽時心太切歸

來摹得不多聲

酬別苗五美人廿二韻

羈客行將盡，歸心看柳條。  
殘枝今欲報，解纜是明朝。  
卷幔牽嵐翠，收琴應落潮。  
昔逢離宴數，曾負酒船邀。  
一自移西閣，相過只北橋。  
石城斜對戶，桃葉僅容舸。  
壻美元名岳，孀家舊姓蕭。  
初疑蒹倚玉，漸許木投瑤。  
浪迹真逾合，幽踪淡若調。  
扶頭移短晷，連臂踏深宵。  
卮屈偏從訴，鬪藏令莫囂。  
脂香盃底度，花艷燭前搖。  
畫扇憐蠅小，書裙愛蝶嬌。  
絃清霜欲徹，鏡瑩月難消。  
愁袖迎全鞞，妝眉懶半描。  
吮圓容妾

顧腕弱勝郎佻歷歷諧新賞  
惜惜亮久要事過心共折情  
在夢無聊合贈煩纖手分題  
減素腰景窺長至逼樂記小  
春饒舞榭山雲賸離帆浦雪  
遙吳洲重見月玄閣正寥寥  
荀五送別詩云蕭蕭帆舉下  
中流仍倚江邊櫂別樓不覺  
歡娛成舊恨更將新句結離  
愁縣縣寒夜已消魂况復鳴  
琴月在門共道絃中流水澁  
秦淮霜苦縮潮痕

聞歌引題畫新柳贈叟徐四

南曲以單題柳爲冠  
廿年前遇金壇馬曲

師曾傳其槩又嘗聞趙五黃二輩歌徐生在廣  
陵秋夜歌情專感動含嚼吐納十一月十三季  
康適至集曲中復請唱  
此曩許爲圖兼書此引

元詞舊數窺青眼時曲新翻歌漸罕閒中著意教人難聲

外加工聽自懶曾傳點拍麤解聽江城聞罷空惺惺似禁  
楚女腰肢瘦如見蕭郎睂眼青悠揚逐夢風前縷擲落飛  
花水上萍別來無處向人道年少兒郎自矜好倡樓社裏  
人已非吳北海黃問琴相國園中客俱老白頭最是可憐人濯濯  
新圖爲誰掃沈吟理曲忽沾纓憶著風流被君惱邗江舊  
侶來月明重向紅樓歌一聲何處老翁能此曲霜天燭下  
啼新鶯囀聲自覺無橫笛放指還疑有鳳笙渭曲灞陵渾  
在眼暮雨斜陽陰復晴迷樓一望無窮處端倚愁中卻盡

生

吳

兆

非熊休  
寧人

非熊少警敏工傳奇詞曲萬歷中游金陵一連北里  
與新城鄭應尼作白練裙雜劇譏嘲馬湘蘭青樓人  
皆指目有樊川輕薄之名所作鬪草篇滅晉叔曹  
能始見而擊節遂流傳都下一時遍寫人皆誦之

秦淮女兒鬪草篇

樂遊苑內花初開結綺樓前春早來  
春色染山還染水春光銜柳又銜梅  
此時芳草萋萋長秦淮女兒多閒想  
閒想玉闥閒羅衣正試單芳飈入戶  
吹帷動巧鳥當窗攪夢殘困嬌麗日  
長安道相戲相邀鬪芳草芳草匝初  
齊茸茸沒馬蹄芳草遠如幕望望迷  
人步將綠將黃不辨名和煙和

霧那知數鳳凰臺上舊時基燕雀湖邊當日路結伴踏春  
春可憐花氣衣香渾作煙誰分遲遲獨落後誰能采采不  
爭前嫋嫋桑間路佳期何暇顧悠悠淮水滄遠道不遑思  
空生謝客西堂夢徒怨湘娥南浦離未鳴鷓鴣先愁歇乍  
轉倉庚正及時正及時先愁歇密取畏人窺疾行防蘚滑  
入深翠濕衣綠高香襲襪攀若將何爲東蜀欲待誰茜紅  
猶勝頰黃白卻慚肌薜荔裁衣安可被菖蒲結帶豈堪垂  
盈羽盈襜羅眾芳蛾飛蝶繞滿衣裳蘭皋藉作爭橫地蕙  
畹翻爲角敵場分行花隊逐對壘葉旗張花花非一色葉

葉兩相當君有麻與泉妾有葛與藟君有蕭與艾妾有蘭  
與芷君有合歡枝妾有相思子君有拔心生妾有斷腸死  
羸歸若個中輪落阿誰裏相向無言轉自愁芳垞過客忽  
疑秋別本辭柯何倚託傾青委綠滿郊丘雖殘已受妍心  
惜縱賤曾經纖手摘芍藥多情且自留薜蘿有恨從教擲  
人生寵愛幾能終人心安得采時同縈愁結念尋歸徑接  
佩連裾趁晚風情知朽腐隨泥滓會化流螢入幕中

榕城小妓奇奇歌

奇奇十二髮垂肩腕伸膝上誰不憐鴉頭髻樣望如墮杏



子衫新紅欲然市門半面窺人慣門前潮水東西漫阿爺  
歡喜阿孃嬌東家妬殺西家羨六月南風荔子紅斜柯輕  
立踏如風八月西風龍眼低今年攀折與枝齊年紀雖小  
齒清歷漢語吳歌聲的的劉家碧玉未須論越客明珠應  
不惜借問春來幾樹花雙拋橋畔是兒家

吳夢暘

允兆歸安人

允兆知音律善度曲晚遊金陵徵歌願曲齒齠牙落  
猶鳴嗚按拍好事者至今傳之與程孟陽善嘗集汪  
景純家聽歌與孟陽限韻爲絕句互相嘆賞

集汪景純宅聽歌

按景純名宗孝休寧人江左大  
俠也有姬曰孫瑤華舊籍曲中

與景純卜築六朝古松下景純歸里孫有寄衣  
詩云閉妾淡閨惟有夢憐君故國豈無衣人多  
之傳

金陵樂府杜秋孃宛轉新聲隱洞房林木盡飛江水咽那  
教人聽不同腸

按瑤華字靈光汪仲嘉有代蘇姬寄怨所權詩詞客  
屬和盈帙吳非熊尤岸然自負靈光詩一出眾皆閣  
筆斂衽今附靈光詩云絲來嬌愛競新知空結同心  
不忍持山上薜蘿窻再遇陵西松柏詎相期羅襦明  
月君休繫紈扇秋風妾不辭極目  
自憐春欲盡流鶯飛處草離離

贈妓

雙眉淡掃轉堪誇爲問佳人字麗華衫趁舞時嬌杏子扇

當歌處掩桃花相邀洛浦神常近一賦高唐夢不賒笑殺  
蹉跎白司馬潯陽江口惱琵琶

陳山甫邀集楊姬華林館同賦

煙花四部舊曾題迭變新聲拍按齊聽到關情情忽忽絳  
紗休妬翠眉低

曹學佺

能始侯  
官人

能始具山水勝情家有石倉園水木清華賓朋歛集  
聲伎襍進彷彿弇州東橋程孟陽酷愛其明月自佳  
色秋鐘多  
遠聲之句

催妝爲韓求仲賦

本事詩

前集

卷六

九烈武徐氏刊

妾家住長千里歲歲春光黯自悲若使遠山秋入畫相逢不待踏青時

荔枝紅

閩俗女子將嫁男家先一年送荔枝紅猶粵中以檳榔行聘也

嬌羞十五閉房櫳風雨無端妬守宮玉鏡臺前倚惆悵郎家不送荔枝紅

卽席贈黃姬

座客如雲待舉杯香車門外屢相催非關故意梳妝緩自昔佳人喚夜來

柳應芳

陳父海門人

戲贈楊二病起

聞卿春病起，閉閣懺醫王。  
小愈雖憐妾，長顰不怨郎。  
絃疑新製曲，衣識舊薰香。  
旦夕猶宜慎，空牀夢亦防。

王光祿家屏後琵琶短歌

十二金屏逐面遮，雙鬟背倚彈琵琶。  
六么絃急齊聲按，桃葉桃根舊一家。  
曲罷屏開但香霧，餘音空遶珊瑚樹。  
中年魂夢不驚飛，雒月巫雲引歸路。

十三夜讌馬姬館

芳宴妖姬集，紛如竊月來。  
回身迎夜燭，連手逐春杯。  
緩舞

盤中柳新妝屋裏梅停絃將送態猶畏上聲催

吳鼎芳

凝甫吳縣人

飛樓曲戲東茅止生

飛樓宛轉芙蓉簇對列鴛鴦三十六東風着意渡江來染  
出蛾眉春水綠樓頭何處得春先非霧非煙俱可憐紅芳  
雜沓錦茵軟塵香不上雙行纏嬋娟花月曾無價只向嫦  
娥乞長夜夜長夜短那得分鬱金自繞珊瑚雲青絲玉壺  
正傾倒楊柳烏啼白門曉

小院

小院曾遊處今來不忍行是花皆黯淡有月未分明轉覺  
非前事終憐負此生遙波春一片流恨復流情

梅鼎祚

禹金宣  
城人

頓姬坐追譚正德南巡事

頓之先有頓仁彈琵琶及角妓王寶奴俱見幸

按寶奴號眉山武宗駐蹕金陵選教坊司樂妓十人備供奉寶奴爲首資容瑰麗出衆數侍巾櫛武宗同鑿寶奴還舊籍咸以貴人呼之自供奉歸後寶奴閉閣不出嘆曰婢子後執巾天子前安得復爲人役遂長齋誦佛爲道人裝以老又傳寶奴調儻揮霍嘗一日乘油壁車以出遇二毬師皆負絕技邀之廣塗請王嬈登場寶奴下車風度瀟灑舉趾躡蹀觀者如堵鞠畢寶奴出金數錠酬二師去其豪爽如此

本事詩  
武宗時巡蹕舊京煙花南部屬車行更衣別置宮楊繞蹴  
鞠新場御草平徧選檀槽催鳳拍忽傳金彈逐鶯聲寶奴  
老去優仁遠坊曲今誰記姓名

橫塘曲贈王玉華

歡來亞字城儂渡橫塘水兩影併一心終當爲情死

俞安期

羨長吳  
江人

昭涼詞

一百首選  
十三首

昭涼者鄂渚女子警敏多慧工藝解文侍余讌  
遊眷焉周歲事無幽顯悉紀詠言



拋擲黃金謝冶遊  
冰心一片落篋篋  
人間儻問憐才事  
俠氣于今在女流

結社蘭林宴曲池  
名流畢集每追隨  
故將險韻書花片  
分送尊前索賦詩

柳林花薄趁芳菲  
每卻香輿遠步歸  
淺立微將春帶緩  
風香蛺蝶繞裙飛

斐几光生對綺疏  
薛濤牋子鎮硯硃  
抽毫細寫江妃賦  
學得黃庭小法書

城下清池似影娥  
薄籠半臂弄微波  
墨花繡卻端州硯  
日

日臨池自洗多

日晡汲水灌池臺  
就取微涼小醉來  
薄薄銀冰千片落  
并刀雪藕佐雙杯

遣興閒將奕譜傳  
日攜碁局坐花前  
自從輸卻金跳脫  
置子長爭一道先

三尺長竿綵絲裝  
成遊鼠落罟恩  
東西擺作迴旋勢  
戲引金貓撲地迫

城濠濠北住畦丁  
半是山村結屋成  
攜榼改裝田舍婦  
就陰同飯豆花棚

玉枕霞漿曉帳前擁衾同醉復同眠倩人去典黃金釧怕  
有鄰家索酒錢

脈脈蘭心解自持向來小錯避人知偶拈舊事尊前戲忽  
地嗔生不語時

積雪松梢色皎然瑤巖收貯水澄鮮春來更和花房露留  
賽中冷第一泉

結束遊裝去楚關蕩舟相送涉江還離樽攜出愁成識不  
忍同登大別山

昭涼變詞

鄂城城南端其下芙蓉池翩翩鴛鴦鳥兩兩來遊嬉雄者  
被五色雌者文淥波綠葉自相覆紫莖自相依池上妾妝  
室垂柳蔭崇臺木蘭爲屋柱沙棠以爲棖芳蓀綠兮正辛  
夷斲爲楹朱箔縣後戶鋪首列前扉前扉臨大道後戶清  
漣漪庭中芳梅樹長耀冰玉輝路傍相指盼持以方鄙姿  
望妾不易見問着誠易知自名爲昭涼小字馥馥兒少小  
誦章句十三習歌詞十四工圖畫十五工絃徽十六不得  
嫁東園忽成蹊自慙再弱質不耐風翻飛自惜嬌薄顏長  
恐經日暉常時不出戶偶戲池水湄不愛採蓮子愛照妾

容儀不羨芙蓉色羨看鴛鴦棲東來遠遊子狹路遭見之  
兔脚雨撲朔兔眼雙迷離人言有文章經緯五色絲託以  
漢臯遇邀妾解佩辭微辭漸相逼義色難久持一奉錦紋  
簞各各諧中私歡歌妾起舞歡飲妾奉卮歡娛妾鼓琴歡  
憂妾解頤歡備妾作羹歡涼妾作衣歡在妾施枕歡出妾  
空幃歡醉枕妾臥歡用典妾釵自謂此歡好百年通一時  
有何一里正身懷公府牘氣如狼與豺催赴縣中鞫吏胥  
二三人煊煊求所欲飲酒如漏卮啖肉填深谷謂汝有侍  
女年幾十五六侍女自有兄女兒自有族此女生無兄此

女久無族父母各填土女二男無育此女八歲來屈指纔

五稔便云十五六

三句韻

彼誠何人斯遽違公府瀆將女對

公庭其獄彼自速縣令聞此事虛誕誠可嗔僞兄姑薄譴  
虞彼反側生聲氣固有類羽翼還猶猶作事苟不獲復往  
臺司陳縱汝終求白汝累既已深稽首信若斯明鏡無纖  
塵阿歡守義分肝腸能剖示突有貴人來謂歡同里氏汝  
拾甌中塵汝納瓜中履歡氣鬱勃生棄妾翻然駛粲粲芙  
蓉花涼風一時萎鴛鴦西北飛雌者孤自止行行無幾時  
禍患忽來翔歡有同鄉友沾沾潘與黃各媚素所愛造語

太披猖潘走語縣令昭涼口無當時時汝唾罵事歡復不  
臧假是蒼蠅點激彼赤虺腸夫何公府牘舊事輒復興侍  
女自有族侍女自有兄虛誕宛在臆想之靈理論塵從鏡  
外闔鏡在塵內明髻豎環背決狀貌何猙獰兩徒夾曳前  
五木約以繩手指纖春蔥參差如立筓將男亂其族將女  
歸其兄貴人任所作安事此極刑辭理無以屈復怒揚高  
聲手指纖春蔥參差如立筓兩徒重曳前五木約以繩窻  
極呼蒼天左右皆涕零阿歡遙聞之日夜東南奔馬疲車  
敗轍帶喘來入門入門何所見惟聞哭聲喧阿母常不慈

號咷椎其膺阿兄每相乖淚落何淫淫東鄰有阿姊掩袖  
涕不禁西鄰有阿妹粉面懸啼痕阿歡泣相持冠髮指蒼  
旻咄咄仰屋歎氣塞難就平出亦如含薺入亦如含薺笑  
殺李家奴喜殺張家婢不念古讒人金石入銷燬讒人工  
片言爲效冀如此一言具兩刑吏道當爾爾朝廷新約法  
施刑毋任性重不加輕罪三句但快斯須心但令傍人喜  
但令傍人喜不惜珠玉毀射書與縣令縣令立抵几出書  
示潘黃滄滄還訛訛梟獍鳴其前妖狐啼其後蝮蛇旅其  
左含沙夾其右旦夕潛相謀于事何不有是時玄鳥歸八



月將臨九復遣黠隸至舊牘云未成侍女自有族侍女自有兄阿歡知苦妾請乞走紛紜努力捐羅網四面一不纏有如水中馬有如陸地船但負中意氣不能奮自前黠隸金錯刀索已日相促盈盈縣中趨皇皇几上肉昭涼無異辭昭涼情易鞠存女領負刀去女骨抽鏃女非漢水珠女非荆山璞女兄作眞兄女族隨所復叱咤何多言汝刑且就服寧顧楚宮身寧顧邯鄲躅兩徒櫻其肩兩徒曳其足有如葵拔根有如鼎覆餗可憐輕弱軀轉側地中伏可憐柔脆骨獵獵貫三木鳳頭五絲履吏卒行相蹴盤龍錦蔽

膝障泥在污濁無窟地下遊無檻將頭觸號呼不擇音受  
挺垂斃鹿悲風生堂上陰雲生堂下頂上蓋陰霾白日忽  
玄夜堂上立胥吏堂下立隸卒東墀萬人擁西墀千人列  
眾人萬千哀縣令一人樂謂女既無族謂兄非女兄汝歡  
累女苦女復隨汝旋汝復貪汝禍汝歡請後言阿兄魂已  
褫負之不得行曳地出公府誰復不酸辛昔爲可憐花今  
爲濕束薪昔浴五名香今委糞土塵天地誠不仁使我罹  
此辰還家但期死豈願滿堂哭漿水辱不沾淹淹就鬼錄  
望舒有盈缺此恨安可移忍媿寄我顏忍愁置我眉大憤

不得收安用有生爲妾有篋中物阿歡好分遺紫磨金跳  
脫宛轉蛟龍蟠并獻燭銀盒阿母防暮年石榴繡袂裙杏  
子殷紅衫芙蓉紫綃袿怡稱女秀身銜珠金爵釵雙頭鳳  
鳳筍葡萄蜀錦襦女聞得相兼女玉年尙小垂髮未施妝  
綠僮紫結纓鴛鴦緗綺裳珠綴金步搖金綴明月璫東鄰  
有阿姊寶珠玉搔頭西鄰有阿妹羽帳珊瑚鈎餘以付阿  
兄纖細隨所收上有雙忍字竹節金屈環持來妾約指隨  
我蒿里間比日白玉魚與歡各半邊半邊妾佩去其半歡  
莫捐復奉連枝帶雙珠佩熒熒翠蝕秦玉鏡玉軫枯桐琴

珠佩昔所解帶以表同心鏡以昭中素琴以寄哀宛歡謂  
勿太愚禍至有成數昨乞仙靈言今以明其故馬行九折  
坂滿地金蓮布蟻珠自可珍月照梅花樹驗汝有此蓄勸  
汝終愛護太息謂阿歡斯言非妾謀妾死歡痛惜妾在歡  
優游妾在歡優游何以慰我愁精衛思填海蚊蚋撼山丘  
拚此鄙陋質庶或銷我讐勿以他人歡忘妾九泉恨勿以  
還鄉樂忘妾千年怨勿以富貴來忘妾同貧賤莫忘七七  
期莫闕臨墳奠語畢氣亦絕靈目半不瞑哭聲震街巷闔  
室縱復橫神鷺西北起喧填動四鄰阿兄買棺去急走無

遷延新縑及故素女裁斂衣衾阿歡撫其尸胸臆時時捫  
四體盡僵冷胸臆中微溫止人勿悲啼止人勿紛綸終久  
當來復神歸勿相驚待自昨日午直至今日申淹淹至夜  
半依微聞呻吟授氣氣相接旋忽返芳魂飲以鬱金湯霍  
然顏色新徐問兩日來神遊竟何適茫茫天地閒陰陽眞  
叵測宛然人世司命生奪魄妾讐今已銷妾恨今已釋  
昨妾初去時駕車馳以南倏超湘江頭乃至衡陽山上有  
數玉女笑謔迫我慙此山非汝居引出令早還猛思叩帝  
閭駕車馳以北九關不敢近虎豹來迎食帝闈高以深號

喚至無力駕車馳以西乃至崑崙巔上謁金仙母見妾大  
驚歎罪妾心性劣自墮塵中緣汝欲雪區區乃之岱山中  
諾諾辭阿母駕車馳以東行至天門上道隅伏青龍中林  
雙白榆夾道五蒼松青華小童子引妾魏峩宮刀戟森然  
列侍衛皆肅容庭蹠一刑徒被項髮鬢鬆髻鬚周顛頰環  
眼圓且紅欵欵復連連形如病弱翁云在酷吏籍罪惡茲  
當窮貴人坐高殿一一數罪端五五逮十十屈指不可殫  
汝寄命百里腰綬頭戴冠置此極刑具朝廷豈得已付汝  
行備邪三句韻苟非盜若寇安得妄相加且如往某事其事

靡有他贖成僅若爾極刑欲如何一之復再三恐不竭其  
苛刈其偏聽耳臃其怒視目拉毆燒其鬚揚灰襍污贖眾  
刑試畢嘗考訊備慘毒作示與後來爲吏無此酷青童招  
妾出指路命歸轅妾心自計念往者我被刑苦楚不至此  
猶然不能勝卽彼負大慙哀痛眞可矜青童謂勿矜卽是  
刑汝人

林景清

縣人 閩

題楊玉香瑤華館詩

楊玉香金陵娼家女閩縣林景清過金陵以詩  
投之玉香亦答詩遂與定情景清復南遊舟泊

本事詩

前集

卷六

七都武徐氏刊

白沙月夜玉香來舟中歡好如平生天將曙忽  
不見景清疑懼至金陵訪之一月前死矣景清  
悲慟是夜獨宿館中吟詩曰往事淒涼似夢中  
香奩人去玉臺空傷心最是秦淮月還對深閨  
燭影紅徘徊不寐恍惚見玉香從帳中出亦吟  
詩曰天上人間路不通花鈿無主畫樓空從前  
爲雨爲雲處總在襄王曉夢中  
景清不覺失聲呼之遂不復見

門巷淡沉隔市喧湘簾影裏篆浮煙人閒自有瑤華館何  
必還尋弱水船

定情詩

十五盈盈窈窕娘背人燈下卸紅妝春風吹入芙蓉帳一  
朶花枝壓翠芳



附  
玉香和

行雨行雲待楚王從前錯怪野鴛鴦守宮落盡鮮紅色

明日低頭出洞房

景清歸閩調鷓鴣天留別玉香云八字嬌蛾恨不開  
陽臺今作望夫臺情方好處人相別潮未平時僕已  
催聽囑付莫疑猜蓬壺有路去還來旣舞一樹垂絲  
柳休傍他家門戶裁玉香答云郎是閩南第一流胸  
蟠星斗氣橫秋新詞宛轉歌才畢又逐征鴻下翠樓  
開錦纜上蘭舟見郎歡喜別郎憂妾心正似長江水  
晝夜隨郎到福州

王驥德伯良會稽人

李姬乞字命以行雲并系之詩

李家小女愛樓居，豆蔻雙腮十五餘。  
額上鴉黃嬌欲滴，鏡中螺黛畫難如。  
當筵未慣紅牙拍，開匣羞看錦字書。  
向我乞名何所似，行雲一片渺愁予。

葉紹袁

仲韶天寥吳江人

午夢堂除夕紀夢詩

蒙叟曰：仲韶少而韶令有術，洗馬潘散騎之目。娶沈宛君，副使沈琬女。長女曰紈，紈幼曰小鸞。皆能詩。小鸞年十七未嫁，而天紈紈以哭。妹來歸，亦死。宛君神傷幽憂，三載而卒。仲韶集宛君之詩曰：鵬吹紈紈曰：愁言小鸞曰：返生香。總名午夢堂集。除夕紀夢詩今載集中。

除日江汀萬戶煙，寒風蕭瑟凍雲天。  
一聲爆竹催春色，盡

對流光逐送年年去年來長嘆息去年腸斷今沾臆疎香

閣

瓊章所居

下舊枝斜曲欄珠箔渾相識相識相悲畫閣人繡

簾無復步生塵蕭蕭午晝蕉心雨寂寂殘宵桂影春春晝

春宵何太促幾回淚點苔痕綠忽從昨夜夢魂還開幃驚

見花顏玉細語低呼眺矐柔肌倦怯袖雙扶重來翠簾

芙蓉幃亟索紅香菡萏爐爐燒沉水輕煙舉火齊瓊漿小

婢煑雲鬢粉靨玉姿紅櫻唇歷歷分明語初向妝臺憶蕙

綳斷霞遙泣鴈行秋可憐未識昭齊去猶問梨花夜月愁

夜月梨花人已矣瑤池咫尺三千里對言明歲碧桃開玄

都人又歸來爾姊妹心傷兩地飛青春弱女竟誰依鵲魂

欲冷荒山月蝶夢空留金縷衣幸有恩淡始母在始母卽沈君庸

夫人張倩倩也倩倩無子遂女瓊章瓊章夙慧兒時毛詩楚辭皆倩倩教之含情含思嬌憐愛

光碧庭前竝看花蕊珠宮內雙描黛蕊珠金闕又分離始

託心詞寄母知還待北堂妝罷後共挑西燭夜淡時夜夜

朝朝休再別清樽聚話重娛悅黃梁一枕夢魂驚紗窗猶

剩燈明滅明滅殘燈夜未央羅衾空怨五更霜起來哭向

靈几處淚染黃雲送夕陽

宛君有除夜悼女詩云惡風吹斷鬢寂寞歲窮天落日照新鬼傷心送舊年室連雙總帳腸斷一詩篇臘

酒洗難醒寒  
花淚紙錢

附

葉小鸞遊仙詩

小鸞仙後仲韶夢青衣小鬟持寄

誦楚辭十歲與母初寒夜坐母云桂寒清露濕  
卽應云楓冷亂紅凋成喜其敏捷不知其天徵  
也詩多佳句能奕善琴模山水寫落花飛蝶皆  
有韻致宛君作傳稱其鬢髮素額修眉玉頰明  
眸善睐無妖艷之態無脂粉之氣林下之風聞  
房之秀殆兼有之日臨子敬雜神賦一遍亡後  
七日乃就木舉體輕軟  
家人咸以爲仙去云

可是初逢萼綠華  
瓊樓煙月幾仙家  
坐中聽徹涼州曲  
笑指窗前夜合花

仙壇授戒呈泐師

吳門有神降于乩自言天台泐子轉女人身借乩示現說法爲小鸞授戒云

身非巫女慣行雲肯對三星蹴絳裙  
清映聲中輕脫去  
瑤天笙鶴兩行分

弱水安能制毒龍竿頭一轉拜師功  
從今別卻芙蓉主  
永侍猊牀沐下風

王彥泓

次回金  
壇人

賓于席上徐霞話舊

重見徐孃未老時  
蕙蘭心性玉風姿  
不忘杜牧尋春約  
猶誦元稹紀事詩  
時世妝梳濃淡改  
兒郎情性淺深知  
樓鸞

會上梧桐樹舉眼詳看一穩枝

鄰女哀詞

鄰女有自經者不曉何因而里媪述其光豔皎  
潔閱日不變且以中夜起自結束選絲而衣配  
花而戴于縮髻塗妝膏唇耀首以至約縑迫袂  
皆著意精好盡態極妍而始畢命焉其所懸之  
帶以潤州朱絲數百條長九尺許爲十股細辮  
手自盤製逾月甫成同伴以爲纏腰物也而不  
知其用意至此爲詩以哀之

明姿靚服嚴妝乍垂手亭亭儼圖畫女伴當窗喚不磨還  
疑背面鞦韆下嬌癡小妹忽驚啼懊惱春宵睡似泥何刻  
停燈開鈿匣幾時響屧度樓梯肌膚到此真冰雪顏玉俄  
俄扶不得素頸何曾著鬢痕卻教反縛同心結紅絲交結  
爲誰容約髻安花次第工應愛自看妝鏡裏豈須人見影  
堂中千春不改凝酥面媚眼微舒若流盼侯娘怨句鬼先  
知玉兒豔質人猶羨當時犀熏定沈埋繡鞵何人拾馬鬼  
乞取卿家謂劉家也通替樣許盛銀液看千回萬轉千回負此  
生枉將偷嫁占虛名古樂府云誰知劉碧玉偷嫁汝南王周郎已誤難重顧



哭殺尉東阮步兵

夕秀詞

尺六腰肢掌上擎  
鉞錢年紀占歌名  
調笙恰喜銅簧脆  
掃黛誰憐蠟蒂輕  
羞出畫屏推阿姊  
笑鄣羅扇覩狂生  
可能  
髻攏釵梁後  
還向迷藏舊處行

別阿姚

相逢羞澀怕猜嫌  
別去那知悵恨添  
獨對鏡奩空怏怏  
乍拈鍼翦復慊慊  
夢魂弱絮從風亂  
心緒繁花被雨霑  
悔不  
暫留歡且住  
未妨長隔一重簾

左卿阿鎖

玉淨花明秀出羣左家重見舊時芬因披樂府吟嬌女便

上藩車訪阿君

見陳遵傳

素豔乍看疑是月清歡何暇想爲雲

那禁手炷熏籠罷笑遣蕭郎覆畫裙

个人

一本作戲贈沙姬

睡破睂山不更描髻雅堆上覆鮫綃屏間記曲拈紅豆窗  
下臨書染綠蕉畫出鴛鴦娛獨自教成鸚鵡伴無聊情棕  
暗被旁人覺繡線逢春減幾條

潘一桂

無隱木公吳江人

孟珠

姓陸氏  
吳郡人

嬉戲春風前攀花作歡飾獨有桃花枝與歡同一色

遙聞女郎作歌

滿溪煙雨白鷗閒漠漠漁罾占一灣幾縷清歌雲外出吳

姬分月蕩舟還

王

留亦房蘇  
州人

戲贈歌者喜郎

明瞳寒溜春江水鬢髮油油亂雲委口脂吹澤花無香刻  
玉爲人許人倚紅牙聲停闋堂別繡被香溫笑微揭蘭燈

已燼羞無言難道窺簾怕明月

月下渡淮寄黎陽閻姬

千里寒山疊凍雲低呼小字有誰聞每因夢見添愁緒翻  
願今宵不夢君

林子真

縣人 閩

感舊悼張璧娘

璧娘閩縣良家女也早寡光麗豔逸愛子真之才而越禮焉林移家臨清璧娘感念而沒林歸過張所居因賦

感舊詩三首

梅花歷亂奈愁何夢裏朱樓掩淚過記得去年今夜月美

人吹入笛聲多

落梅到地夜無聲  
簾挂空堦碎月明  
倚徙朱闌人不見  
雙懸清淚聽寒更

附

張璧娘寄林子真

黃消鵝子翠消鴉  
篔簹拂層冰帳九華  
裙縷褪來腰束素  
釧金鬆盡臂纏紗  
牀前弱態眠新柳  
枕上迴鬟壓落花  
不信登牆人似玉  
斷腸空盼宋東家

姚

澣

北若秀水人

竹垞詩話云北若爲姚尚書思仁之孫英年樂于取友盡收質庫私錢載酒徵歌大會復社同盟于秦淮

河上幾二千人聚其文爲國門廣業時阮大鍼集之  
填燕子箋傳奇盛行于白門是日勾隊無有演此者

秦淮卽事

柳岸花溪澹汴天恣攜紅袖放燈船梨園子弟覘人意隊  
隊停歌燕子箋

夏

緇雪子嘉善人有  
西治維摩集

南中曲

黔府新編十二歌南音如梵亦吹螺侍兒記拍分銀豆小  
史登場換畫鞦

陸

圻麗京景宣錢塘  
人有從同集

竹垞詩話云麗京亂後賣藥長安市上晚因史禍牽連既得釋訪澹公于丹霞精舍轉入武當爲道士不知所終里人洪昇有答友絕句云君問西陵陸講山飄然一鉢竟忘還乘雲或化孤飛鶴來往天台鴈宕間講山麗京別字也杭有西陵十子麗京居其首云

舟次聞歌者

落日橫江泛白蘋同鄉停問一相親從教李尉翻新曲卻喜何堪是舊人玉管漫吹霜月曉紅牙曾按綺筵新坐中不少傷心客莫唱伊涼水調頻

董

說

若雨鳥程人晚爲僧名南潛有豐草菴集

秦良玉詞

追奔一點繡紅旗夜響刀鑲匹馬馳製得饒歌編樂府姓名肯入玉臺詩

按秦良玉爲四川石砭土司女帥也明思陵賜石砭土司秦良玉詩云蜀錦征袍手製成桃花馬上請長纓世間不少奇男子誰肯沙場萬里行竹垞詩話野紀謂良玉有男妾數十人而夔州李長祥力辨其誣謂川撫嘗遣陸錦州遜之按行諸營良玉冠帶飾佩刀出見設饗禮酒數行論兵事遜之誤曳其袖良玉引佩刀自斷之其嚴肅若是

劉

侗

同人麻城人

舟泊清河有攜絃索過飲者

客思紛河北商絃復漢南星光零夕霧郵柝靜虛潭去國



黃花久逢人白社三曾爲記歌者不醉亦何堪

陳洪綬

章侯諸賢人

竹垞詩話云章侯四齡就婦翁家見新墜壁登案畫  
漢前將軍關侯像長八九尺翁見下拜遂以室奉侯  
蓋繪事本天縱也崇禎初與北平崔青蚓齊名號南  
陳北崔中年縱酒狎妓自放客有求畫者罄折至恭  
勿與及酒邊召妓輒自索筆墨雖小夫稚子徵索必  
應晚混迹服僧衣自稱老遲亦稱梅遲亦稱老遲有  
妾吳淨髮亦善花草錢塘馮秀才硯祥詩云吳興公  
子工花草侍制丹青步絕塵三百年來陳待詔調鉛  
殺粉繼前人余每覩其真蹟所畫美女妖冶絕倫今  
則廣本紛紜多係其徒所做率皆蘧篋戚施矣詩頗  
饒逸致惜流傳者寡桃花馬上  
絕亡友海鹽教諭金燾所誦也

贈妓董飛仙

桃花馬上董飛仙自孽生綉乞畫蓮好事日多還記得庚  
申三月岳墳前

高承埏

寓公嘉興人

和會稽女子詩紀夢

余從征輶塵影中爲會稽女子錄成懋裝滄洲  
擁絮就夢余若俛睂披傳時方云會稽女子莫  
詳姓氏恍惚有向余而唱者云本姓李幽恨草  
萋萋聲甚清麗余憫然遽寤耳餘猶嚶嚶可聽  
意者會稽女子不忍終自晦翩其來告乎非煙

非霧豈獨古有李夫人特余操三寸不律感之  
笑少君之符不免多事矣呼燈志異并系以詩  
彤管留詩說會稽郵亭姓字已淒迷小窗夜半滄洲夢鸚  
鵡能言是隴西

譜韻吟香高遠夫感魂得似少君符李花笑指來千里愁  
殺霜痕惹襪無

朱茂曙

子蘅秀水人天啟初補秀水學生甲  
申後卒私謚安度先生有春草堂稿

秦淮河春游卽事

橋下溪流燕尾分灣頭新水慣湔裙六朝芳草年年綠雙

調鳴箏戶戶聞春雨杏花虞學士酒旗山郭杜司勳兒童  
也愛晴明好紙翦風鳶各一羣

鄭

露

湛若南海人  
有嶠雅詩集

竹垞詩話云湛若工諸體書學騎射七命之廣西遍  
尋鬼門銅柱舊蹟游于岑藍諸土司爲孺女執兵符  
者雲韞娘書記歸撰赤雅一編紀其山川風土及女  
君天姬隊歌舞戰陣之制家蓄藏眞墨蹟香山何閣  
老吾駙兒而愛翫不已湛若分手脫贈旣而大悔挈  
舟抵香山升閣老之堂欲自挂梁上閣老亟卷還之  
又蓄二琴一曰南風宋理宗宮中物一曰綠綺臺唐  
武德年製明康陵御前所彈也出入必與二琴俱廣  
州城破湛若抱琴死注鈍翁說鈴曰南海鄭秀才  
詩才清麗程五舍人可則極稱之如過屈原賈誼祠  
云天高未敢重相問年少何勞更上書又漢陽送客  
云天盡水連巴子國月明人在武昌城皆爲名句

寄侍兒青琴

侍兒嬌的的玉筋蘊蘭襟去日戀攜手自言能鼓琴七盤  
漢宮舞長側楚妃吟奚難召鸞鶴貴是得卿心

徐石麒

寶摩嘉  
興人

弔會稽女子 有序

自古孤臣怨婦異地同情爲次會稽女子驛壁

怨詞

越水名花絕點塵花煙搏作苧蘿身自從一嫁燕兵後歲  
歲年年不復春

寶屨香泥舊日遊花塵紅起不知愁無端誤入豺狼徑生  
折瑤釵雙鳳頭

黎遂球

美周番  
禺人

美周常客揚州鄭超宗影園集江淮名士各賦黃牡  
丹詩已糊名殿最庚山錢收齋宗伯推爲第一超宗  
鑄金卮贈之人呼  
爲黃牡丹狀元

弔張姬和彭孟陽

柳色春生鎖夕陽城隅煙冷草仍芳鴛鴦儘避金丸擲鸚  
鵡曾催寶鏡收回首忽如行雨夢典衣誰換返魂香鄰家  
記曲餘紅豆種得相思落女牆

姜如須花燭詞

遙夜吹簫聽鳳來  
燭花頓翦漏頻催  
簾垂竹閣禁行立  
香撲梅廊望繞迴  
玉燕舞煙釵翠裊  
金龍盤月鏡雲堆  
何煩渡口歌桃葉  
家傍紅闌柳浪隈

燈船曲 并序

庚辰五月揚州不雨咸修祈禱嘗儀鄭超宗諸  
子以予與萬茂先陳百史諸同人適集因倣秦  
淮夜遊爲燈船載歌吹以當雩舞觀者畢集笙  
簫互奏人各製曲以授歌者

嬉春纔過閏元宵端午還添廿四橋便合龍舟與燈子遶  
城簫鼓送蘭橈

詞客人人杜牧才停橈都爲鄭莊來徵歌任選如花妓索  
寫桃牋侍舉杯

周立勲

勲 卣華亭人

竹垞詩話云崇禎中勲卣偕陳夏諸公倡幾社陳夏皆以名節著惟勲卣早天聞其遇社中人意態殊落落時穀城方閣老四長守松江數與幾社諸子周旋而尤敬愛勲卣人或問之答曰勲卣一往有雋氣不屑作酒肉貴人第其詩文恒以慨歎出之慮其人不薄耳歲己卯就試金陵質素清羸寓伎館伎聞賞院櫺鼓促之起勲卣尙堅臥也未幾遂客死陳子龍臥子有詩哭之云松栢西陵樹蒿蒲北里花春風夜臺



路玉勒向誰家宋徵輿轅文哭之云翠羽明珠擁莫  
愁君家顧曲舊風流一時腸斷人何處風雨蕭條燕  
子樓又云山陽玉笛異時情天問靈均意不平縱使  
未堪軒冕貴何妨白髮老書生數日後忽夢勒占至  
曰君詩固佳胡不曰縱使未堪丘壑老何妨白  
髮困諸生轅文覺而異之爲位于佛祠祭焉

鴛湖紀事卻寄李生

高秋一別事皆非畫舫相逢舊恨微豈爲酒深聞墜珥卻  
緣情重見支機鸞歸北海朝雲起燕入青樓暮雨飛曾向  
花前同細語思君不見掩羅衣

劉孔和

節之長  
山人

漁洋山人曰節之爲故相青岳鴻訓次子儻負奇  
氣談兵擊劔結納賓客雅慕陳同父龍伯可之爲人

于詩獨喜東坡放翁甲申歲破家殺賊後竟死劉澤清之手年才二十九嘗有詩云并無殺者黃江夏豈有食之嚴鄭公一日于廣坐玩弄澤清遂爲所害又有聽燕子彈琴詩云班姬淚秋殿微子傷離宮滿湘渺雲水星月寒魚龍曲盡其妙

過張七幼量聽燕子彈琴有贈

燕子幼量侍兒名

堦前修竹不知門  
侍子清朝拂素琴  
聽盡明光三十段  
碧池涼雨一時深

顧

超

子超吳縣人

鄭女冢

竹垞詩話鄭駙馬冢在洞庭山駙馬生女示疾不嫁舍身爲尼葬于山中

自湔金粉割紅綿  
桃杏無顏五百年  
晉日尼師皈白佛  
唐

家貴王事金仙春寒宿草猶迷蝶露濯空桑欲化蟬幾處  
禁煙人涕淚玉棺風雨但聞鶻

屠生

竹垞詩話云蕭山詩生與  
詩子詩生使者詩生  
入玉池而詩生用生詩生  
生詩生大驚詩生敬口詩生  
詞身已死詩生  
文以和之詩生

題西子胸壁

紅粉溪邊不作年  
濼落花五湖煙水滿  
何處流春紗

小水人

竹垞詩話云安瀾釣以築菴山中命僕守之暮有女子自稱小水人惟人臥空以固范之女云只見船泊岸不見岸泊船何無情片雨尋登淺楊僕懼取佛經執之女笑云經從佛出佛在經耶天將旦僕起擊菴鐘女取書上牙梳掠鬢忽走入松林不見壁上題詩云

妾住小水邊君住青山下青年不可再白日坐成夜

只見船泊岸不見岸泊船豈能深谷裏風雨誤芳年

薄情君拋棄咫尺萬里遠一夜月空明芭蕉心不展

解下羅裙帶無情對有情不知妾意重只道妾身輕

經從佛口出佛不在經裏郎在妾心頭郎身隔千里

月色照羅衣永夜不得寐莫打五更鐘打得人心碎

無名氏

香塚

敖姬杭之右姓也黔中某孝廉者過杭攜之至姑蘇姬卒遺柩于半塘吳中士人過而哀之爲買虎丘半畝地于鐵花菴畔擇日將葬適有某別駕攜二妾之任亦相繼舍玉觀留公廨中士人并敖姬合瘞之因有深深葬玉鬱鬱埋香之句題曰香塚云

繡屏曲曲掩回文冷落空箱白練裙江上彩雲秋共散好  
寒芳杜弔湘魂

翠雲千頃鬱松楸寂寞香魂其一  
一夜半月明連袂出可

小亭畔聽吳謳

臺城絕句

陳氏婦人集曰或于臺城舊內見二絕句辭旨  
悽惻類弘光時宮人語詩中所云阮佃夫指懷  
寧阮大鍼時方  
貴幸用事也

南朝天子一愁無  
石子岡連玄武湖  
草綠離宮人不到  
日長惟敕阮佃夫

臨春閣外渺無涯  
烽火連天動妾懷  
十萬長圍今夜合  
君王猶自在秦淮

慈仁寺東廊題壁

汪氏說鈴曰慈仁寺東廊下有無名氏題  
兩絕句指故宮事辭意悽惋真傑作也

故宮高與碧山齊  
無數垂楊接柳堤  
玉輦不來花落盡  
瞭鷹臺上鳥空啼

新甃湯泉咽不流  
繚垣欹側野棠秋  
月明深鎖長生殿  
夜半無人誓女牛